

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADSKO VIJEĆE

Broj: 01-45-6103/21

Z A P I S N I K
SA SEDME SJEDNICE
GRADSKOG VIJEĆA ZENICA

- održane 22. februara 2021. godine -

Zenica, februar 2021. godine

**Zapisnik sa 7. sjednice Gradskog vijeća Zenica,
održane 22.02.2021. godine**

Sjednica je počela s radom u 10.00 časova.

Sjednicom je predsjedavao Almir Babajić, predsjedavajući Gradskog vijeća Zenica.

Nakon uvodnog pozdrava, predsjedavajući Vijeća, konstatovao je da 7. sjednici Gradskog vijeća Zenica prisustvuje 25 vijećnika, te da Vijeće može punovažno odlučivati. Kašnjenje na sjednicu najavio je vijećnik Sanjin Aldobašić, a odsustvo sa sjednice najavili su vijećnici: Emina Tufekčić, Rusmir Isak, Zeld Dizdarević i Kenan Uzunović.

Za današnju sjednicu predložen je sljedeći dnevni red:

1. Zapisnik sa 6. sjednice Gradskog vijeća Zenica, održane 04.02.2021. godine
2. Vijećnička pitanja i inicijative
3. a) Prijedlog Budžeta Grada Zenica za 2021. godinu sa obrazloženjem
b) Prijedlog Odluke o izvršavanju Budžeta Grada Zenica za 2021. godinu sa obrazloženjem
4. a) Informacija o realizaciji mjera za unapređenje poljoprivredne proizvodnje na području Grada Zenica za 2020. godinu
b) Prijedlog Programa mjera za unapređenje poljoprivredne proizvodnje na području Grada Zenica za 2021. godinu
5. Plan korištenja javnih površina na području Grada Zenica za 2021. godinu
6. Izvještaj o realizaciji projekta izgradnje, rekonstrukcije i održavanja cestovne infrastrukture za 2020. godinu
7. Izvještaj o realizaciji ulaganja u oblasti vodoprivrede za 2020. godinu
8. Prijedlog Programa rada Gradskog vijeća za period 01.01.-31.12.2021. godine
9. Prijedlog Odluke o izmjenama i dopunama Odluke o komunalnim taksama

Predsjedavajući Vijeća pročitao je prijedloge za dopunu prijedloga dnevnog reda kako slijedi:

1. Prijedlog Odluke o preuzimanju zgrade „Sinagoga“ iz posjeda JU Muzej grada Zenice
2. Prijedlog Odluke o objavljivanju javnog oglasa za imenovanje dva člana Gradske izborne komisije
3. Prijedlog Rješenja o izmjeni Rješenja o imenovanju stručnih komisija za utvrđivanje prometne vrijednosti nekretnina na području Grada Zenica
4. Inicijativa za izgradnju sportskog igrališta u MZ „Blatuša“
5. Prijedlog Zaključka o stavljanju van snage Zaključka broj: 01-45-17039/20 od 20.08.2020. g.

Na traženje predsjedavajućeg Vijeća vijećnici su se najprije izjasnili o prva tri prijedloga za dopunu prijedloga dnevnog reda i iste usvojili sa 25 glasova „ZA“, bez glasova „PROTIV“ i bez glasova „UZDRŽAN“. Prijedlog za dopunu dnevnog reda pod rednim brojem 4. Inicijativa za izgradnju sportskog igrališta u MZ „Blatuša“ prihvaćen je također jednoglasno sa 25 glasova „ZA“, bez glasova „PROTIV“ i bez glasova „UZDRŽAN“, dok je prijedlog dopune pod rednim brojem 5: Prijedlog Zaključka o stavljanju van snage Zaključka broj: 01-45-17039/20 od 20.08.2020. godine prihvaćen i uvršten u prijedlog dnevnog reda sa 23 glasa „ZA“, 2 glasa „PROTIV“, bez glasova „UZDRŽAN“.

Nakon izjašnjavanja o prijedlozima za dopunu prijedloga dnevnog reda predsjedavajući Vijeća pročitao je konačan prijedlog dnevnog reda za 7. hitnu sjednicu Gradskog vijeća kako slijedi:

1. Zapisnik sa 6. sjednice Gradskog vijeća Zenica, održane 04.02.2021. godine

2. Vijećnička pitanja i inicijative
3. a) Prijedlog Budžeta Grada Zenica za 2021. godinu sa obrazloženjem
b) Prijedlog Odluke o izvršavanju Budžeta Grada Zenica za 2021. godinu sa obrazloženjem
4. a) Informacija o realizaciji mjera za unapređenje poljoprivredne proizvodnje na području Grada Zenica za 2020. godinu
b) Prijedlog Programa mjera za unapređenje poljoprivredne proizvodnje na području Grada Zenica za 2021. godinu
5. Plan korištenja javnih površina na području Grada Zenica za 2021. godinu
6. Izvještaj o realizaciji projekta izgradnje, rekonstrukcije i održavanja cestovne infrastrukture za 2020. godinu
7. Izvještaj o realizaciji ulaganja u oblasti vodoprivrede za 2020. godinu
8. Prijedlog Programa rada Gradskog vijeća za period 01.01.-31.12.2021. godine
9. Prijedlog Odluke o izmjenama i dopunama Odluke o komunalnim taksama
10. Prijedlog Odluke o preuzimanju zgrade „Sinagoga“ iz posjeda JU Muzej grada Zenice
11. Prijedlog Odluke o objavljivanju javnog oglasa za imenovanje dva člana Gradske izborne komisije
12. Prijedlog Rješenja o izmjeni Rješenja o imenovanju stručnih komisija za utvrđivanje prometne vrijednosti nekretnina na području Grada Zenica
13. Inicijativa za izgradnju sportskog igrališta u MZ „Blatuša“
14. Prijedlog Zaključka o stavljanju van snage Zaključka broj: 01-45-17039/20 od 20.08.2020. g.

Na traženje predsjedavajućeg Vijeća vijećnici su se glasanjem izjasnili o Prijedlogu Dnevnog reda za 7. sjednicu Gradskog vijeća i isti usvojili sa 25 glasova „ZA“, bez glasova „PROTIV“ i bez glasova „UZDRŽAN“.

TAKČKA PRVA

- Zapisnik sa 6. sjednice Gradskog vijeća Zenica, održane 04.02.2021. godine

Zapisnik sa 6. sjednice Vijeća, na koji nije bilo primjedbi, vijećnici su usvojili sa 25 glasova „ZA“, bez glasova „PROTIV“ i bez glasova „UZDRŽAN“ (jednoglasno).

TAKČKA DRUGA

- Vijećnička pitanja i inicijative

Vijećnička pitanja postavili su i vijećničke inicijative podnijeli vijećnici: Mahdi Alić, Ekrem Tuka, Elmin Šabanović, Alen Kapković, Halil Arnaut, Kenan Alispahić, Malik Ejubović, Faruk Hodžić, Ibrahim Šišić, Edisej Sjerotanović, Nermin Mehić, Osman Šuvalić, Albin Ćatić, Elvis Alijagić, Aida Halać i Mirza Husetić.

Vijećnik Mahdi Alić podnio je inicijativu kojom se traži djelimična sanacija košarkaškog terena u naselju Babina Rijeka u blizini Ensar džamije, koja bi podrazumijevala postavljanje dva košarkaška obruča i dvije table na postojećoj konstrukciji, druga inicijativa istog vijećnika odnosila se na proširenje parking prostora u naselju Crkvice kod broja 32. Vijećnik Ekrem Tuka podnio je inicijativu, na prijedlog mještana naselja Crnile, kojom se predlaže rekonstrukcija dijela saobraćajnice u pomenutom naselju u dužini 25m od broja 15 A do broja 15C, vijećnik Alen Kapković podnio je inicijativu da se na području regije Nemila uspostavi dežurstvo barem dva vatrogasca iz sastava profesionalne vatrogasne jedinice, imajući u vidu česte požare do kojih dolazi tokom priprema za proljetnu sjetvu, vijećnik Elmin Šabanović podnio je inicijativu za osvjetljenje isključenja sa M-17 i prolaza ispod mosta u MZ „Drivuša“, vijećničko pitanje istog vijećnika glasilo

je: „Da li je planirano i kada uređenje i asfaltiranje ulice Gradac u MZ „Raspotočje?“ Vijećnik Halil Arnaut podnio je dvije inicijative. Prva inicijativa odnosila se na administrativne procedure prilikom registracije i apliciranja za poljoprivredne podsticaje i istom se tražilo pojednostavljenje navedenih procedura. Također, u navedenoj inicijativi vijećnik je naglasio postojanje potrebe za pružanje popljoprivrednicima savjetodavnih usluga vezanih za biljnu proizvodnju od strane agronoma kao stručnog lica. Drugom inicijativom predložena je rekonstrukcija pristupnog puta u ulici Kranjčevićeva u naselju Blatuša preko puta Željezničke stanice, vijećnik Kenan Alispahić podnio je inicijativu za rekonstrukciju kompletne ulice Gornjozenička od džamije u Trgovištu do račvanja puteva za Gornju Zenicu i Vražale, također postavio je pitanje: „Kada će se početi sa distribucijom pitke vode u naselju Crnile?“. Vijećnik Malik Ejubović podnio je inicijativu za pokretanje kancelarije za saradnju sa dijasporom pri Službi za finansije Grada Zenica. Vijećnik Faruk Hodžić podnio je inicijativu za sanaciju stepeništa koje vodi prema OŠ „Mak Dizdar“ u naselju Crkvice i postavljanje gelendera na navedenom stepeništu, vijećnik Ibrahim Šišić podnio je dvije inicijative. Prvom inicijativom traži se da se na početku dijela ulice dr. Čire Truhelke u naselju Radakovo (dionica od ulazne kapije u Komgrad do novoizgrađene pokretne rampe prema marketu Bingo u Radakovu) postavi znak „zabranjeno parkiranje i zaustavljanje osim dostavnih vozila“. Drugom inicijativom predlaže se da se Programom rada Gradskog vijeća planira tačka: „Izveštaj o stanju deponije Rača – prijedlozi rješenja i dinamika realizacije“.

Vijećnik Edisej Sjerotanović postavio je vijećničko pitanje: „Kada će se realizovati izgradnja vodovodne mreže u ulici Patriotska liga?“. Vijećnik Nermin Mehić podnio je dvije inicijative. Prva se odnosila na uređenje kišne kanalizacije i sanaciju trotoara u ulici Prve Zeničke brigade, ispred prostorija MZ „Staro Radakovo“, a drugom inicijativom koja je upućena Gradonačelniku predloženo je proglašenje Bogića Bogićevića počasnim građaninom Grada Zenice. Vijećnik Osman Šuvalić podnio je inicijativu za subvenciju troškova grijanja korisnicima socijalne pomoći, vijećnik Albin Čatić podnio je inicijativu za uklanjanje parking mjesta uz obilježene pješačke prelaze, koja su na udaljenosti manjoj od propisane Zakonom o bezbjednosti saobraćaja, vijećnik Elvis Alijagić podnio je dvije inicijative. Prvom inicijativom traži se kontinuirana provedba Uredbe o prostornim standardima, urbanističko-tehničkim uslovima i normativima za sprečavanje stvaranja arhitektonsko-urbanističkih prepreka za lica sa umanjnim tjelesnim mogućnostima („Službene novine Federacije BiH“, broj: 48/09 i 99/19), a drugom inicijativom predlaže se organizacija uspostave isturenog ureda Službe za urbanizam u Mjesnoj zajednici „Nemila“ u prostorijama Društvenog doma. Vijećnica Aida Halać, na prijedlog stanara ulice Bulevar Kralja Tvrtka podnijela je inicijativu za obezbjeđenje parking prostora za stanare iste ulice. Vijećnik Mirza Husetić, na zahtjev stanara ulice Jalijski put broj 9 podnio je inicijativu za obezbjeđenje parking prostora u navedenoj ulici. Vijećnik Elvir Purić podnio je inicijativu za postavljanje rasvjetnog stuba u ulici Sejmenska, MZ „Jalija, na lokaciji između OŠ „Edhem Mulabdić“ i Sejmenske džamije.

Napomena: Vijećnička pitanja i inicijative podneseni u pisanoj formi prosljeđuju se nadležnim gradskim službama i drugim subjektima putem dostavnih akata Stručne službe Gradskog vijeća, radi vjerodostojnosti postavljenog vijećničkog pitanja, odnosno podnesene inicijative.

TAČKA TREĆA

- a) Prijedlog Budžeta Grada Zenica za 2021. godinu sa obrazloženjem

b) Prijedlog Odluke o izvršavanju Budžeta Grada Zenica za 2021. godinu sa obrazloženjem

Uvodne napomene za ovu tačku dnevnog reda dali su Fatima Vojvodić, pomoćnica Gradonačelnika za finansije i Fuad Kasumović, Gradonačelnik Grada Zenica.

Gradonačelnik je predložio Radnom predsjedništvu da se jednom mjesečno održi sjednica Vijeća na kojoj će predstavnici nadležnih službi odgovarati vijećnicima na postavljena pitanja i podnesene inicijative, a koja će vijećnici dostavljati tri dana pred održavanje iste sjednice, iz razloga povećanja

ekspeditivnosti u radu na redovnim sjednicama Vijeća, kao i radi upoznavanja javnosti sa sadržajem odgovora.

U raspravi o ovoj tački dnevnog reda učestvovali su vijećnici: Semir Huseinović, Kenan Uzunović, Elvir Purić, Malik Ejubović, Nermin Mehić, Ibrahim Šišić, Ekrem Tuka, Namir Škaljo, Šerif Patković, Edisej Sjerotanović i Almir Babajić, predsjedavajući Gradskog vijeća. Gradonačelnik je učestvovao u raspravi dajući određena pojašnjenja.

Po zaključenju rasprave, predsjedavajući Vijeća je, na zahtjev Kluba vijećnika Zenička inicijativa – Kasumović Fuad, saopštio pauzu u trajanju 5 minuta.

Nakon pauze, predsjedavajući Vijeća konstatovao je da klubovi vijećnika ostaju pri ulozenim amandmanima, a da je vijećnik Kenan Alispahić odustao od svojih amandmana. Predsjedavajući Vijeća zatim je pročitao je amandmane klubova vijećnika uložene na Prijedlog Budžeta Grada Zenica za 2021. godinu, nakon čega su se vijećnici o istima izjasnili.

Klubovi vijećnika SDP, Zenička inicijativa – Kasumović Fuad, Ekrem Tuka – NB, Mahdi Alić – NiP, Osman Švalić, nezavisni vijećnik i Edisej Sjerotanović, SBB na Prijedlog Budžeta Grada Zenica za 2021. godinu dostavili su sljedeće amandmane:

AMANDMAN broj 1:

„U sklopu Službe za boračko-invalidsku i socijalnu zaštitu, stambene poslove i društvene djelatnosti (organizacioni kod 59010001) otvoriti novu poziciju „Izmirenje poreznog duga NK Čelik Zenica po zaključenom Sporazumu - reprogram“ i za ovu namjenu opredijeliti 340.000,00 KM. Sredstva za ovu namjenu umanjiti sa pozicija:

- „Putni troškovi“ za 20.000,00 KM
- „Rekonstrukcija i investiciono održavanje poslovnih prostora i društvenih domova“ za 50.000,00 KM
- Učešće u finansiranju projekata (Strategija razvoja, IPA, CBC, MED i dr.) za 50.000,00 KM,
- „Transfer za kulturu“ za 80.000,00 KM
- „Transfer za podršku vjerskim zajednicama“ za 10.000,00 KM
- „Rekonstrukcija i investiciono održavanje putne mreže“ za 50.000,00 KM
- „Podsticaj poljoprivrednoj proizvodnji“ za 30.000,00 KM
- „Nabavka opreme za Budžetske korisnike“ za 30.000,00 KM i
- „Bruto plaće i naknade plaća“ za 20.000,00 KM.“

Na traženje predsjedavajućeg Vijeća vijećnici su se izjasnili o pročitanoj amandmanu i isti usvojili sa 25 glasova „ZA“, bez glasova „PROTIV“ i bez glasova „UZDRŽAN“.

AMANDMAN broj 2:

„U sklopu JU Centar za socijalni rad (organizacioni kod 59010002) otvoriti novu poziciju „Izdaci za grijanje korisnika socijalne pomoći“ i za ovu namjenu opredijeliti 100.000,00 KM. Sredstva za ovu namjenu umanjiti sa pozicije „Transfer za sport“ za 100.000,00 KM te će nakon umanjenja ova stavka ukupno iznositi 750.000,00 KM“.

Na traženje predsjedavajućeg Vijeća vijećnici su se izjasnili o pročitanoj amandmanu i isti usvojili sa 25 glasova „ZA“, bez glasova „PROTIV“ i bez glasova „UZDRŽAN“.

Amandmani Kluba vijećnika SDA:

AMANDMAN broj 1 također se odnosio na izdvajanje reprograma poreznog duga NK Čelik kao posebne stavke u budžetu. S obzirom da je isti prijedlog prethodno usvojen Klub vijećnika SDA odustao je od ulozenog amandmana i Vijeće se o istome nije posebno izjašnjavalo.

AMANDMAN broj 2 – „U dijelu B1 – Rashodi i izdaci – zbirno u Prijedlog Budžeta Grada Zenica za 2021. godinu 614300 „Tekući transferi neprofitnim organizacijama“ uvesti novu stavku (fond 01, funkcija 0810, ekonomski kod 614300) „Transfer za NK Čelik“ po osnovu sredstava uprihodovanih od zakupa svih poslovnih prostora na Stadionu Bilino polje, a sredstva namijenjena za izgradnju Gradske vijećnice – I faza se umanjuju za 220.117,00 KM.“

Na traženje predsjedavajućeg Vijeća vijećnici su se glasanjem izjasnili o pročitanoj amandmanu nakon čega je predsjedavajući Vijeća konstatovao da sa 5 glasova „ZA“, bez glasova „PROTIV“ i sa 20 glasova „UZDRŽAN“ amandman nije usvojen.

AMANDMAN broj 3 - „U dijelu B1 – Rashodi i izdaci – zbirno u Prijedlog Budžeta Grada Zenica za 2021. godinu 614300 „Tekući transferi neprofitnim organizacijama“ (fond 01, funkcija 0810, ekonomski kod 614300) „Transfer za sport“ u koloni 5 broj 850.000,00 zamjenjuje se brojem 950.000,00, a sredstva namijenjena za izgradnju Gradske vijećnice – I faza umanjuje se za 100.000,00 KM.“

Na traženje predsjedavajućeg Vijeća vijećnici su se glasanjem izjasnili o pročitanoj amandmanu nakon čega je predsjedavajući Vijeća konstatovao da sa 5 glasova „ZA“, bez glasova „PROTIV“ i sa 20 glasova „UZDRŽAN“ amandman nije usvojen.

AMANDMAN broj 4 - „Predlaže se da se izvrši promjena u rashodovnoj oblasti Budžeta u dijelu B1 – Rashodi i izdaci – I Redovna djelatnost, tekući rashodi, plaće i naknade troškova zaposlenih, što povezuje sljedeću stavku „Doprinosi poslodavca i ostali doprinosi“ u smislu redukcije stavke pod oznakom ekonomski kod 611100, a koja glasi: „Plaće i naknade troškova zaposlenih“. Na osnovu te redukcije sredstava predlaže se prebacivanje sredstava na stavku pod oznakom fond 01, funkcija 0560, ekonomski kod 613300, a koja glasi: „Usluge deponovanja komunalnog otpada“ sa ukupnom vrijednosti predloženih izdataka od 800.000,00 KM.“

Na traženje predsjedavajućeg Vijeća vijećnici su se glasanjem izjasnili o pročitanoj amandmanu nakon čega je predsjedavajući Vijeća konstatovao da sa 5 glasova „ZA“, 2 glasa „PROTIV“ i sa 18 glasova „UZDRŽAN“ amandman nije usvojen.

AMANDMAN broj 5 - „Predlaže se da se izvrši promjena u rashodovnoj oblasti Budžeta u dijelu B1 – Rashodi i izdaci – I Redovna djelatnost, tekući rashodi, plaće i naknade troškova zaposlenih, u smislu redukcije stavke pod oznakom ekonomski kod 611100 a koja glasi: „Plaće i naknade troškova zaposlenih“ u iznosu od 300.000,00 KM. Na osnovu te redukcije sredstava predlaže se prebacivanje sredstava na stavku pod oznakom fond 01, funkcija 0460, ekonomski kod 613900 koja glasi: „Troškovi nadzora na komunalnoj infrastrukturi i dr. usluge“ sa ukupnom vrijednosti predloženih izdataka od 300.000,00 KM.“

Na traženje predsjedavajućeg Vijeća vijećnici su se glasanjem izjasnili o pročitanoj amandmanu nakon čega je predsjedavajući Vijeća konstatovao da sa 5 glasova „ZA“, 11 glasova „PROTIV“ i sa 9 glasova „UZDRŽAN“ amandman nije usvojen.

AMANDMAN broj 6 - „Predlaže se da se izvrši promjena u rashodovnoj oblasti Budžeta u dijelu B1 – Rashodi i izdaci - zbirno, II Posebne namjene, u smislu redukcije stavke pod oznakom fond 01, funkcija 0560, ekonomski kod 613300 koja glasi: „Održavanje komunalne higijene grada“. Prijedlog je da se navedena stavka reducira sa predloženih 2.780.000,00 na 2.730.000,00 KM. Na osnovu te redukcije sredstava predlaže se prebacivanje sredstava na stavku pod oznakom fond 01, funkcija 1090, ekonomski kod 614200, a koja glasi: „Transferi pojedincima, pomoći djece sa posebnim potrebama Grada Zenice“ sa ukupnom vrijednosti predloženih izdataka od 50.000,00 KM.

Na traženje predsjedavajućeg Vijeća vijećnici su se glasanjem izjasnili o pročitanoj amandmanu nakon čega je predsjedavajući Vijeća konstatovao da sa 5 glasova „ZA“, bez glasova „PROTIV“ i sa 20 glasova „UZDRŽAN“ amandman nije usvojen.

AMANDMAN broj 7 - „Predlaže se da se izvrši promjena u rashodovnoj oblasti Budžeta u dijelu B1 – Rashodi i izdaci budžeta - zbirno II Posebne namjene, u smislu redukcije stavke pod oznakom fond 01, funkcija 0560, ekonomski kod 613300 koja glasi „Održavanje komunalne higijene grada“. Prijedlog je da se navedena stavka reducira sa predloženih 2.730.000,00 KM na 2.550.000,00 KM. Na osnovu te redukcije sredstava predlaže se prebacivanje sredstava na stavku pod oznakom fond 01, funkcija 1090, ekonomski kod 614200 koja glasi: „Izdaci za grijanje korisnika socijalne pomoći“ sa ukupnom vrijednosti predloženih izdataka od 180.000,00 KM.“

Na traženje predsjedavajućeg Vijeća vijećnici su se glasanjem izjasnili o pročitanoj amandmanu nakon čega je predsjedavajući Vijeća konstatovao da sa 5 glasova „ZA“, bez glasova „PROTIV“ i sa 20 glasova „UZDRŽAN“ amandman nije usvojen.

AMANDMAN broj 8 – „Predlaže se da se izvrši promjena u rashodovnoj oblasti Budžeta u dijelu Tekući transferi i dr. tekući rashodi, u smislu redukcije stavke pod oznakom fond 01, funkcija 0820, ekonomski kod 614300 a koja glasi „Transferi za kulturu“. Prijedlog je da se navedena stavka reducira sa predloženih 480.000,00 KM na 400.000,00 KM. Na osnovu te redukcije sredstava predlaže se da se otvori novi ekonomski kod pod nazivom: „Stipendije za nadarene studente Univerziteta u Zenici“ sa ukupnom vrijednosti predloženih izdataka od 80.000,00 KM.

Na traženje predsjedavajućeg Vijeća vijećnici su se glasanjem izjasnili o pročitanoj amandmanu nakon čega je predsjedavajući Vijeća konstatovao da sa 6 glasova „ZA“, 1 glasom „PROTIV“ i sa 18 glasova „UZDRŽAN“ amandman nije usvojen.

AMANDMAN broj 9 – „Predlaže se da se izvrši promjena u rashodovnoj oblasti Budžeta u dijelu Izdaci za nabavku stalnih sredstava, u smislu redukcije stavke pod oznakom fond 01, funkcija 0760, ekonomski kod 821600 i stavke pod oznakom fond 03-05, funkcija 0760, ekonomski kod 821600, a koje glase Rekonstrukcija i investiciono održavanje ambulanti i depoa apoteka i Rekonstrukcija i investiciono održavanje ambulanti i depoa apoteka (sredstva JU Dom zdravlja Zenica i JU Apoteka Zdravlje Zenica). Predviđena sredstva za navedene stavke 500.000,00 KM i 362.700,00 KM. Prijedlog je da se navedene stavke reduciraju za po 75.000,00 KM svaka. Na osnovu te redukcije sredstava predlaže se da se otvori novi ekonomski kod pod nazivom Pomoć JU Apoteka „Zdravlje“ Zenica sa stavkom od ukupno 150.000,00 KM.“

Na traženje predsjedavajućeg Vijeća vijećnici su se glasanjem izjasnili o pročitanoj amandmanu nakon čega je predsjedavajući Vijeća konstatovao da sa 5 glasova „ZA“, bez glasova „PROTIV“ i sa 20 glasova „UZDRŽAN“ amandman nije usvojen.

AMANDMAN broj 10 – „U Budžetu za 2021. godinu planirati uvećanje stavke fond 01, funkcija 0490, ekonomski kod 614500, naziv pozicije plana budžeta – Transferi privatnim preduzećima i preduzetnicima za 50.000,00 KM, koja će umjesto planiranih 200.000,00 KM iznositi 250.000, 00 KM. Za navedeni iznos od 50.000,00 KM umanjiti stavku fond 01, funkcija 0490, ekonomski kod 614500, naziv pozicije plana budžeta Učešće u sufinansiranju dijela kamatne stope za privredne subjekte koja sada iznosi 100.000,00 KM, a koja će iznositi 50.000,00 KM.“

Na traženje predsjedavajućeg Vijeća vijećnici su se glasanjem izjasnili o pročitanoj amandmanu nakon čega je predsjedavajući Vijeća konstatovao da sa 5 glasova „ZA“, bez glasova „PROTIV“ i sa 20 glasova „UZDRŽAN“ amandman nije usvojen.

AMANDMAN broj 11 – „U dijelu B2 POSEBAN DIO – Rashodi i izdaci po budžetskim korisnicima Prijedlog Budžeta Grada Zenica za 2021. godinu Služba za boračko-invalidsku i socijalnu zaštitu, stambene poslove i društvene djelatnosti potrebno je u budžetu planirati sufinansiranje izgradnje Spomen obilježja Javorje u iznosu od 50.000,00 KM, a ekonomski kod 010, funkcija 0490 Putni troškovi umanjuje se za 50.000, 00 KM.“

Na traženje predsjedavajućeg Vijeća vijećnici su se glasanjem izjasnili o pročitanoj amandmanu nakon čega je predsjedavajući Vijeća konstatovao da sa 11 glasova „ZA“, 1 „PROTIV“ i sa 14 glasova „UZDRŽAN“ amandman nije usvojen.

AMANDMAN broj 12 – predlaže se da se izvrši promjena u rashodovnoj oblasti budžeta u dijelu B1 Rashodi i izdaci – zbirno I REDOVNA DJELATNOST, TEKUĆI RASHODI, PLAĆE I NAKNADE TROŠKOVA ZAPOSLENIH u smislu redukcije stavki pod oznakom ekonomski kod 61100 koja glasi: PLAĆE I NAKNADE TROŠKOVA ZAPOSLENIH u iznosu od 30.000,00 KM. Na osnovu te redukcije sredstava predlaže se prebacivanje sredstava na stavku pod oznakom CSR – jednokratne i povremene pomoći sa ukupnom vrijednosti predloženih izdataka od 30.000,00 KM.

Na traženje predsjedavajućeg Vijeća vijećnici su se glasanjem izjasnili o pročitanoj amandmanu nakon čega je predsjedavajući Vijeća konstatovao da sa 6 glasova „ZA“, bez glasova „PROTIV“ i sa 19 glasova „UZDRŽAN“ amandman nije usvojen.

Nakon rasprave, na traženje predsjedavajućeg Vijeća vijećnici su se izjasnili o Prijedlogu Budžeta Grada Zenica za 2021. godinu sa obrazloženjem i isti usvojili sa 20 glasova „ZA“, 4 glasa „PROTIV“ i 1 glasom „UZDRŽAN“. Predsjedavajući Vijeća napomenuo je da usvojeni amandmani postaju sastavni dio prijedloga budžeta.

Prije glasanja o Prijedlogu Odluke o izvršavanju Budžeta Grada Zenica za 2021. godinu Gradonačelnik se javio za riječ i kazao da je u predmetnoj odluci s obzirom na usvojeni amandman Izmirenje poreznog duga NK Čelik Zenica po zaključenom Sporazumu – reprogram neophodno navesti da će Grad plaćati rate dužnih javnih prihoda u skladu sa zaključenim sporazumom, sve dok porezni obveznik NK Čelik Zenica redovno izmiruje tekuće obaveze po osnovu javnih prihoda, nastale poslije zaključivanja predmetnog sporazuma, o čemu je obavezan dostavljati potvrdu Porezne uprave do 15. u mjesecu.

Na traženje predsjedavajućeg Vijeća vijećnici su se najprije izjasnili o navedenom prijedlogu Gradonačelnika i isti usvojili sa 22 glasa „ZA“, 2 glasa „PROTIV“ i 1 glasom „UZDRŽAN“, a zatim o Prijedlogu Odluke o izvršavanju Budžeta Grada Zenica za 2021. godinu sa obrazloženjem i prihvaćenom izmjenom i isti usvojili sa 21 glasom „ZA“, 2 glasa „PROTIV“ i 2 glasa „UZDRŽAN“.

TAČKA ČETVRTA

a) Informacija o realizaciji mjera za unapređenje poljoprivredne proizvodnje na području Grada Zenica za 2020. godinu

b) Prijedlog Programa mjera za unapređenje poljoprivredne proizvodnje na području Grada Zenica za 2021. godinu

Uvodne napomene za ovu tačku dnevnog reda dala je Senada Sejmenović, stručna savjetnica za poljoprivredu. Prije podnošenja uvodnih napomena odgovorila je vijećniku Halilu Arnautu na inicijativu vezanu za pojednostavljenje administrativnih procedura pojasnivši da su i obaveza upisa u registar radi ostvarivanja prava na poticaj, obrasci i ostala dokumentacija propisani federalnim zakonom. Također, dala je odgovor u vezi s mogućnostima pružanja savjetodavnih usluga poljoprivrednicima.

S obzirom na usvojeni amandman „Izmirenje poreznog duga NK Čelik Zenica po zaključenom Sporazumu - reprogram“ kojim se između ostalog osiguranje sredstava za ovu namjenu predviđa i umanjnjenjem stavke - „Podsticaj poljoprivrednoj proizvodnji“ za 30.000,00 KM, istakla je da je prijedlog službe da se navedeni iznos dobije ukidanjem u Programu mjera stavke C) REZERVA u iznosu 25.000,00 KM, te umanjnjenjem stavke B4 u Programu mjera sa 30.000,00 na 25.000,00 KM.

U raspravi o ovoj tački dnevnog reda učestvovali su vijećnici: Elvir Purić, Halil Arnaut, Denan Pašalić, Ekrem Tuka i Šerif Patković. U raspravi je učestvovala Senada Sejmenović, stručna savjetnica za poljoprivredu dajući pojašnjenja i odgovore na pitanja vijećnika učesnika u raspravi. Vijećnik Ekrem Tuka predložio je zaključak da se za sljedeću godinu pristupi izradi novog koncepta Programa mjera za unapređenje poljoprivredne proizvodnje.

Na traženje predsjedavajućeg Vijeća vijećnici su se najprije izjasnili o Informaciji o realizaciji mjera za unapređenje poljoprivredne proizvodnje na području Grada Zenica za 2020. godinu i istu usvojili sa 25 glasova „ZA“, bez glasova „PROTIV“ i 1 glasom „UZDRŽAN“, a zatim o Prijedlogu Programa mjera za unapređenje poljoprivredne proizvodnje na području Grada Zenica za 2021. godinu sa predloženom izmjenom i isti usvojili sa 25 glasova „ZA“, bez glasova „PROTIV“ i 1 glasom „UZDRŽAN“.

Na traženje predsjedavajućeg Vijeća vijećnici su se zatim izjasnili o prijedlogu zaključka vijećnika Ekrema Tuke i isti usvojili sa 26 glasova „ZA“, bez glasova „PROTIV“ i bez glasova „UZDRŽAN“ (jednoglasno).

U 14.10 sati predsjedavajući Vijeća saopštio je pauzu u trajanju do 15.00 sati.

TAČKA PETA

- Plan korištenja javnih površina na području Grada Zenica za 2021. godinu

Nije bilo potrebe za uvodnim napomenama.

Vijećnik Nermin Mehić, predsjednik Komisije za prostorno planiranje i ekologiju vijećnicima je prezentirao izvještaj iste komisije.

U raspravi o ovoj tački dnevnog reda učestvovali su vijećnici: Namir Škaljo, Nermin Mehić i Almir Babajić, predsjedavajući Gradskog vijeća. Bojana Primorac, pomoćnica Gradonačelnika za urbanizam učestvovala je u raspravi dajući odgovor na primjedbu vijećnika Namira Škalje i pitanje predsjedavajućeg Vijeća.

Po zaključenju rasprave, vijećnici su se na traženje predsjedavajućeg Vijeća izjasnili o ovoj tački dnevnog reda i istu usvojili sa 22 glasa „ZA“, bez glasova „PROTIV“ i bez glasova „UZDRŽAN“.

TAČKA ŠESTA

- Izvještaj o realizaciji projekta izgradnje, rekonstrukcije i održavanja cestovne infrastrukture za 2020. godinu

Za ovu tačku dnevnog reda nije bilo potrebe za uvodnim napomenama.

Vijećnik Nermin Mehić, predsjednik Komisije za prostorno planiranje i ekologiju vijećnicima je prezentirao izvještaj iste komisije.

U raspravi o ovoj tački dnevnog reda učestvovali su vijećnici: Vernes Menzilović, Denan Pašalić, Elmin Šabanović, Šerif Patković, Halil Arnaut, Ibrahim Šišić, Aida Halać, Albin Čatić i Nermin Mehić. Također, u raspravi je učestvovao Gradonačelnik dajući određena pojašnjenja, te odgovor vijećniku Albinu Čatiću na postavljeno pitanje.

Po zaključenju rasprave, vijećnici su se na traženje predsjedavajućeg Vijeća izjasnili o ovoj tački dnevnog reda i istu usvojili sa 18 glasa „ZA“, bez glasova „PROTIV“ i 4 glasa „UZDRŽAN“.

TAČKA SEDMA

- Izvještaj o realizaciji ulaganja u oblasti vodoprivrede za 2020. godinu

Za ovu tačku dnevnog reda nije bilo potrebe za uvodnim napomenama.

U raspravi niko nije učestvovao.

Vijećnici su sa 22 glasa „ZA“, bez glasova „PROTIV“ i bez glasova „UZDRŽAN“ usvojili Izvještaj o realizaciji ulaganja u oblasti vodoprivrede za 2020. godinu.

TAČKA OSMA

- Prijedlog Programa rada Gradskog vijeća za period 01.01.-31.12.2021. godine

Nije bilo potrebe za uvodnim napomenama.

U raspravi o ovoj tački dnevnog reda učestvovali su vijećnik Ibrahim Šišić i Almir Babajić, predsjedavajući Vijeća, koji je dao pojašnjenje vezano za izradu prijedloga programa rada Vijeća. Sabira Helvida, pomoćnica Gradonačelnika za ekologiju, komunalne i inspekcijske poslove također je učestvovala u raspravi odgovorivši na pitanje vijećnika Ibrahima Šišića, koje se odnosilo na preciziranje roka za dostavu Izvještaja o stanju vodovodne, kanalizacione i vrelovodne mreže na području Grada Zenica.

Na pitanje predsjedavajućeg Vijeća da se izjasne, Klub vijećnika SDA izjasnio se da ostaje pri ulozenim amandmanima nakon čega je predsjedavajući Vijeća pristupio čitanju amandmana ovog

kluba vijećnika. Nakon svakog pročitano g amandmana vijećnici su se o istome glasanjem izjasnili i to kako slijedi:

1. Izvještaj o poslovanju JKP Zenicatrans-prevoz putnika d.d. Zenica za 2019. godinu (rok: mart 2021. godine)
Na traženje predsjedavajućeg Vijeća vijećnici su se glasanjem izjasnili o navedenom amandmanu nakon čega je predsjedavajući Vijeća konstatovao da sa 10 glasova „ZA“, bez glasova „PROTIV“ i sa 11 glasova „UZDRŽAN“ amandman nije dobio dovoljan broj glasova vijećnika.
2. Izvještaj o stanju javnog prijevoza u gradu Zenica u 2020. godini (rok: maj 2021. godine)
Na traženje predsjedavajućeg Vijeća vijećnici su se glasanjem izjasnili o navedenom amandmanu nakon čega je predsjedavajući Vijeća konstatovao da sa 5 glasova „ZA“, 2 glasa „PROTIV“ i 13 glasova „UZDRŽAN“ amandman nije dobio dovoljan broj glasova vijećnika.
3. Izvještaj o utrošku budžetskih sredstava Grada Zenica u 2021. godini za vrijeme proglašenja stanja prirodne nesreće (rok: april 2021. godine)
Na traženje predsjedavajućeg Vijeća vijećnici su se glasanjem izjasnili o navedenom amandmanu nakon čega je predsjedavajući Vijeća konstatovao da sa 5 glasova „ZA“, 5 glasova „PROTIV“ i 10 glasova „UZDRŽAN“ amandman nije dobio dovoljan broj glasova vijećnika.
4. Informacija o radu Azila za pse za period 1.1.2017.-31.12.2020. godine (rok: juni 2021. godine)
Na traženje predsjedavajućeg Vijeća vijećnici su se glasanjem izjasnili o navedenom amandmanu nakon čega je predsjedavajući Vijeća konstatovao da sa 9 glasova „ZA“, 3 glasova „PROTIV“ i 8 glasova „UZDRŽAN“ amandman nije dobio dovoljan broj glasova vijećnika.
5. Prijedlog Odluke o subvencioniranju troškova grijanja za sezonu 2020/2021. godina (rok: mart 2021. godine). Vijećnici su amandman usvojili sa 20 glasova „ZA“.
6. Program rada Gradonačelnika za mandatni period 2020. – 2024. godina (rok: mart 2021. godine)
Uz saglasnost podnosioca amandmana vijećnici se nisu izjašnjavali o istome, s obzirom da je na prethodnoj sjednici Vijeća donesen zaključak o dostavljanju predmetnog izvještaja u navedenom roku.
7. Izvještaj o rezultatima mjerenja koncentracija zagađujućih materija u zraku u gradu Zenica za period 1.1.2020.-31.12.2020. godine (rok: maj 2021. godine)
Na traženje predsjedavajućeg Vijeća vijećnici su se glasanjem izjasnili o navedenom amandmanu nakon čega je predsjedavajući Vijeća konstatovao da sa 11 glasova „ZA“, bez glasova „PROTIV“ i sa 9 glasova „UZDRŽAN“ amandman nije dobio dovoljan broj glasova vijećnika.
Radi informisanja javnosti, predsjedavajući Vijeća pojasnio je da se navedeni podaci objavljuju svakodnevno na web stranici Grada.
8. Prijedlog Odluke o pristupanju izradi Gender akcionog plana (rok: maj 2021. godine)
Vijećnici se nisu izjašnjavali o navedenom amandmanu s obzirom da je isti prihvaćen.
9. Razmatranje Izvještaja o reviziji budžeta Grada Zenica za 2018. godinu (rok: mart 2021. godine)
Na traženje predsjedavajućeg Vijeća vijećnici su se glasanjem izjasnili o navedenom amandmanu nakon čega je predsjedavajući Vijeća konstatovao da sa 5 glasova „ZA“, 6 glasova „PROTIV“ i sa 11 glasova „UZDRŽAN“ amandman nije dobio dovoljan broj glasova vijećnika.
10. Izvještaj o stanju vodovodne, kanalizacione i vrelovodne mreže na području Grada Zenica

Vijećnici se nisu izjasnili o navedenom amandmanu s obzirom da je podnosilac amandmana prihvatio stav Službe za ekologiju, komunalne i inspekcijske poslove.

Vijećnici su se na traženje predsjedavajućeg Vijeća izjasnili o Prijedlogu Programa rada Gradskog vijeća za 2021. godinu sa usvojenim amandmanima Kluba vijećnika SDA, te isti usvojili sa 17 glasova „ZA“, bez glasova „PROTIV“ i sa 3 glasa „UZDRŽAN“.

Pauza 5 minuta na zahtjev Kluba vijećnika Zenička inicijativa.

TAČKA DEVETA

- Prijedlog Odluke o izmjenama i dopunama Odluke o komunalnim taksama

Uvodne napomene za ovu tačku dnevnog reda dao je Selver Keleštura, sekretar Gradske uprave. Vijećnik Šerif Patković javio se za riječ i zatražio određeno pojašnjenje u vezi predmetne odluke. Sekretar Gradske uprave dao je dodatno pojašnjenje, a zatim, pošto nije bilo više prijavljenih diskutanata, na traženje predsjedavajućeg vijeća vijećnici su se glasanjem izjasnili o Prijedlogu Odluke o izmjenama i dopunama Odluke o komunalnim taksama i isti usvojili sa 23 glasa „ZA“, bez glasova „PROTIV“ i bez glasova „UZDRŽAN“.

TAČKA DESETA

- Prijedlog Odluke o preuzimanju zgrade „Sinagoga“ iz posjeda JU Muzej grada Zenice

Uvodne napomene za ovu tačku dnevnog reda dali su Emir Delić, pomoćnik Gradonačelnika za imovinsko-pravne, geodetske poslove i katastar nekretnina i Fuad Kasumović, Gradonačelnik Grada Zenica.

U raspravi o ovoj tački dnevnog reda učestvovali su vijećnici: Šerif Patković, Vernes Menzilović i Nermin Mehić. Na pitanja vijećnika Vernesa Menzilovića i Nermina Mehića odgovorio je Emir Delić, pomoćnik Gradonačelnika za imovinsko-pravne, geodetske poslove i katastar nekretnina.

Po zaključenju rasprave, vijećnici su se na traženje predsjedavajućeg Vijeća izjasnili o ovoj tački dnevnog reda i istu usvojili sa 23 glasa „ZA“, bez glasova „PROTIV“ i bez glasova „UZDRŽAN“.

TAČKA JEDANAESTA

- Prijedlog Odluke o objavljivanju javnog oglasa za imenovanje dva člana Gradske izborne komisije

Nije bilo potrebe za uvodnim napomenama. U raspravi niko nije učestvovao.

Na traženje predsjedavajućeg Vijeća vijećnici su se izjasnili o ovoj tački dnevnog reda i istu usvojili sa 23 glasa „ZA“, bez glasova „PROTIV“ i bez glasova „UZDRŽAN“.

TAČKA DVANAESTA

- Prijedlog Rješenja o izmjeni Rješenja o imenovanju stručnih komisija za utvrđivanje prometne vrijednosti nekretnina na području Grada Zenica

Nije bilo potrebe za uvodnim napomenama. U raspravi niko nije učestvovao.

Na traženje predsjedavajućeg Vijeća vijećnici su se izjasnili o ovoj tački dnevnog reda i istu usvojili sa 23 glasa „ZA“, bez glasova „PROTIV“ i bez glasova „UZDRŽAN“.

TAČKA TRINAESTA**- Inicijativa za izgradnju sportskog igrališta u MZ „Blatuša“**

Uvodne napomene za ovu tačku dnevnog reda dao je Almir Babajić, predsjedavajući Gradskog vijeća Zenica.

U raspravi o ovoj tački dnevnog reda učestvovali su vijećnici Nermin Mehić i Namir Škaljo. Također, u raspravi je učestvovala Sumea Mujkanović, pomoćnica Gradonačelnika za boračko-invalidsku i socijalnu zaštitu, stambene poslove i društvene djelatnosti dajući određena pojašnjenja.

Na traženje predsjedavajućeg Vijeća vijećnici su se izjasnili glasanjem o Prijedlogu Zaključka o usvajanju inicijative za izgradnju sportskog igrališta u MZ „Blatuša“, nakon čega je predsjedavajući Vijeća konstatovao da je inicijativa usvojena jednoglasno sa 23 glasa „ZA“.

TAČKA ČETRNAESTA**- Prijedlog Zaključka o stavljanju van snage Zaključka broj: 01-45-17039/20 od 20. augusta 2020. godine**

Uvodne napomene za ovu tačku dnevnog reda dao je Fuad Kasumović, Gradonačelnik Grada Zenica.

U raspravi su učestvovali vijećnici Šerif Patković i Ekrem Tuka, te Gradonačelnik dajući dodatno pojašnjenje.

Na traženje predsjedavajućeg Vijeća vijećnici su se izjasnili glasanjem o Prijedlogu Zaključka o stavljanju van snage Zaključka broj: 01-45-17039/20 od 20. augusta 2020. godine i isti usvojili sa 17 glasova „ZA“, 2 glasa „PROTIV“ i 4 glasa „UZDRŽAN“.

Sjednica je zaključena i završila s radom u 17.20 sati.

Sastavni dio ovog zapisnika je audiozapis, pohranjen u Stručnoj službi Gradskog vijeća, na osnovu kojeg se može ostvariti uvid u diskusije sa sjednice Vijeća.

PREDSJEDAVAJUĆI
GRADSKOG VIJEĆA ZENICA
Almir Babajić

